

Kad je u avgustu 2003. u Francuskoj kupio jedrilicu, mornarsko iskustvo SENADA ŠVRAKE svodilo se na početnički kurs jedrenja od pet dana. Nepunu godinu poslije zaputio se iz Francuske u Hrvatsku s namjerom da ostane tri mjeseca. Međutim, to je potrajalo tri godine za koje je obišao 17 zemalja





Morska lasta i kokosova kraba samo su neke od egzotičnih životinja koje je snimio za vrijeme boravka na Čagosu

TROGODIŠNJA PLOVIDBA MOREM

Vratio se tuzlanski Barba

Nakon tri godine plovidbe morem, u Tuzlu se vratio Senad Švraka zvani Barba. Za ovo vrijeme jedrilicom je obišao Francusku, Hrvatsku, Grčku, Tursku, Egipat, Sudan, Eritreju, Jemen, Oman, Maldive, Indiju, Tajland, Maleziju, Čagos, Madagaskar. Na posljednjoj destinaciji, u Mayot-

ti u Francuskoj, jedrilicu je prodao. Pun je sjajnih iskustava, a uskoro namjerava pokrenuti akciju za okupljanje ljudi iz BiH koji bi se pridružili nastavku njegove ekspedicije.

Kad je u avgustu 2003. godine u Francuskoj kupio jedrilicu, mornarsko iskustvo Senada Švrake svodilo se na početnički kurs je-

drenja od pet dana. Cijelu narednu zimu proveo je izlazeći na more nekoliko sati da savlada osnove jedrenja. Odlučan je bio u namjeri da jedrilicom oplovi svijet - da ispuni svoj dječjački san.

“To je bilo najteže od svega. Trebalo je napustiti sigurnost i udobnost dotadašnjeg života i

upustiti se u avanturu koja se mogla i loše završiti, posebno kad se uzmu u obzir moje neznanje i neiskustvo s početka putovanja. Svaki čovjek, prirodno, teži sigurnosti i stabilnosti u životu. S druge strane, postoji u svakom čovjeku želja za avanturom i slobodom. Kod mene je želja za ovim drugim prevagnula.”

PLANovi

Prodao je brod, ali ovo nije njegovo posljednje putovanje. Namjerava okupiti zainteresovane za prvu bh. ekspediciju koja će nastaviti plovidbu



Strah od ajkula ili nekih drugih morskih nemani, života na otvorenom moru, opasnosti koje vrebaju - nije mu bio stran. Za tri godine se pet-šest puta veoma uplašio. No, nije odustajao jer je želio vidjeti što više

Deset mjeseci nakon što je kupio brod, zaputio se iz Francuske u Hrvatsku s namjerom da ostane tri mjeseca, no to se pretvorilo u tri godine plovidbe u 17 zemalja - od Mediterana, preko Crvenog mora, do Indijskog okeana.

Dojmove još slaže. Mornarski dnevnik koji je uredno vodio, više od 15 hiljada fotografija i nekoliko sati snimljenog materijala poslužiće i njemu samome da se prisjeti gdje je bio i šta je radio. "Svaka je zemlja koju sam obišao zanimljiva na svoj način. Možda bih posebno izdvojio Jemen. Tamo vlada pomalo čudna atmosfera. U početku sam se osjećao neprijatno jer su me ljudi gledali kao nepoželjno kad sam

počeo fotografirati. No, taj prvi dojam brzo se promijenio. Čim sam započeo razgovor, shvatio sam da je većina prijateljski raspoložena i da tradicionalna beduinska gostoprimljivost još postoji. To ide do te mjere da ti niko

neće dozvoliti da mu platiš sok ili večeru."

Tako je, veli, na ulici u Al Mukali započeo razgovor s jednim beduinom koji ga je pozvao da ga posjeti u njegovom selu u planinama.

"Srećom, znao sam da beduini ponekad otimaju turiste i drže ih kao taoce po šest mjeseci, ali ih, u principu, ne maltretiraju. Rade to obično kako bi od centralne vlade ishodovali da im se izgradi škola ili dispanzer. Poziv sam morao odbiti jer sam sutradan trebao dalje na put, ali da sam imao više vremena, sigurno bih prihvatio bez obzira na sve, makar morao ostati dok se ne izgradi škola."

Jedna od uzbudljivijih destinacija na putovanju Senada Švrake svakako je odlazak na pusto ostrvo na kojem je, u toku posljednje plovidbe, proveo tri mjeseca.


"Susreo sam se uglavnom s dvije vrste reakcija na taj boravak na pustom ostrvu. Jedni su govo-

Umalo sudar s mjesecom

"Druge noći puta u prvoj etapi, kad sam krenuo iz Francuske prema Hrvatskoj, oko tri ujutro, već umoran i neispavan, ugledao sam ravno iza pramca nešto svijetlo i narandžasto, otprilike trokutastog oblika. Uzaludno sam pokušavao da razaznam šta je to. Uхватила me panika jer se objekat povećavao, što je značilo da mu se približavam. Odlučio sam promijeniti kurs kako bih izbjegao sudar. Već sam zgrabio kormilo kad mi je sinulo rješenje zagonetke. Bio je to mjesec. Onako crven, izgledalo je kao da izlazi iz mora, kao da nešto pluta na vodi. Umalo da promijenim kurs kako ne bih udario u mjesec."


rili blago tebi, a drugi su se čudili kako mi je to palo na pamet. Mislio sam da svako sanja o tome da ode na pusto ostrvo makar na koji dan. Ipak, treba znati da se radi o ostrvu ili, tačnije, grupi ostrva koja su nenaseljena, ali nisu potpuno pusta. Tu se zadržavaju jedrilice u prolazu, tako da uvijek ima neko. Rijetko kad sam, u ta tri mjeseca, bio sam. Dosadno mi nije bilo jer sam pecao, šetao plažom ili plivao s ajkulama.”

Strah od ajkula ili nekih drugih morskih nemani, od života na otvorenom moru, opasnosti koje vrebaju, Senadu nije bio stran, no kaže da se za tri godine otprilike pet-šest puta veoma uplašio. No, nikad nije odustao jer bi ga svaki novi predio koji bi otkrio podsjetio na plan - vidjeti što više prirodnih i ljudskih bogatstava. Na tom putu otkrio je i ka-



KORZIKA
Na ovom ostrvu grad Bonifacio bila je jedna od destinacija na Barbinom putovanju


“ Znao sam da beduini ponekad otimaju turiste i drže ih kao taoce po šest mjeseci kako bi im vlada izgradila školu ili dispanzer. Odbio sam poziv da odem u njihovo selo, ali da sam imao više vremena, prihvatio bih bez obzira na sve



Do Omana je doplovio u 2006. godini



PRIJATELJSTVO
Prilikom prolaska kroz Sueski kanal društvo mu je pravio pilot Halid




Okeanska ptica slična pelikanu snimljena na Čagosu

ko jesti različitu hranu i kako se prilagoditi različitim običajima. “Gdje god sam došao, ljudi, naravno, nešto jedu pa sam i ja što i oni. U razvijenim zemljama samoposluga nikad nije daleko. U siromašnim, Sudanu na primjer, snabdijevanje može biti malo teže. U Tajlandu je hrana fantastična i nevjerovatno jeftina. Bez obzira na to, brod na dalekom putovanju mora posjedovati dovoljne zalihe. Osnovu za preživljavanje čine tjestenina, riža, konzerve... Iako je brod mnogo više vremena u luci nego na pučini, mora se predvidjeti mogućnost kvara, da ne uspijete doći do obale, pa treba nešto jesti i piti dok ne dođu spasioci. Ako se dočekaju.” ▶

ZNAMENITOSTI
Na svom putu oko svijeta preko turskog Bosfora preplovio je tokom 2005.





“ Mislim napisati knjigu o svom putovanju, napraviti izložbu fotografija, pokušati izmontirati film od videomaterijala koje imam. Ne nedostaje ideja, samo treba vremena da se sve to stigne

Upravo je neizvjesnost ta koja odbija mnoge da se upuste u plovidbu morem. I najboljim moreplovcima dešava se da skrenu u kursa, no Senad kaže da orijentacija danas nije tako veliki problem.

“GPS je riješio većinu problema orijentacije na moru. U prošlosti nije bilo tako i olupine koje leže na dnu mora ili po grebenima širom svijeta svjedoče kako je bilo teško i opasno ploviti. Uostalom, brodovi još tonu. Ja sam imao sreće s vremenom i u toku trogodišnje plovidbe nikad nisam doživio ozbiljno nevrijeme. Pod ozbiljnim nevremenom podrazumijevam oluje koje bi doista dovele u opasnost brod i život posade. Tropski uragan je primjer takve vrste nepogode i moj

Igra s kornjačama

“Jedna od najzabavnijih stvari na Čagosu je spustiti se u more s maskom i posmatrati podvodni svijet - koralne vrtove, šarene ribice, igrati se s kornjačama koje često dozvoljavaju da ih se dotakne ili jednostavno spustiti se na dva, tri metra duboko i sjediti nepomično na dnu sve dok imaš zraka i posmatrati šta se dešava.”

brod, relativno lake konstrukcije, možda ne bi izdržao takvo nevrijeme. Drago mi je što to nisam morao testirati.”

Nakon tri godine plovidbe morem i obilaska 17 zemalja, Senad Švraka se vratio u Tuzlu. Kaže kako mu je bilo prekrasno, ali da mu kopno sada drugačije, ljepše, izgleda. Iako je prodao brod, kaže kako ovo nije njegovo posljednje putovanje. Namjerava okupiti zainteresovane da nastave ploviti s prvom bh. ekspedicijom. Do tada će se odmarati i posvetiti se nekim drugim stvarima.

“Želim napisati knjigu o svom putovanju, napraviti izložbu fotografija, pokušati izmontirati film od videomaterijala koje imam. Ne nedostaje ideja, samo treba vremena da se sve to stigne.”

ENISA ALIBALIĆ

ZA TRPEZU
Pored uobičajenih zaliha hrane, nerijetko si je priuštio i dobar obrok ribe koju bi sam lovio